



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An Nigronius prævidens impedimentum futurum prævenire debuerit,
& ante tempus Paschale communicare?

urn:nbn:de:hbz:466:1-41144

lis annis saltem in Paschate S. Eucharistiam sumere, quod tempus Paschale quindecim dies completur, spectato jure communi, & præscindendo à loci consuetudine, aut privilegio, qui dies incipiunt à Dominica Palmarum, durântque usque ad Dominicam in Albis, juxta declarationem Eugenii IV. teste Navar. *Cap. 21, n. 45.* Hoc supposito.

- 249 Ad 1. Q. Non teneri Nigronium prævenire, affirmant Suarez *D. 70. sect. 2.* Azor *tom. 1. l. 7. c. 41. q. 13.* Dicast. *D. 10. de Euchar. n. 155.* Bonac. Leand. aliique, quos refert, & sequitur Diana *3. p. tr. 4. R. 43.* Rationem dant; quia nemo tenetur anticipare actum præceptum, nisi per talem anticipationem ita satisfaciatur præcepto, ut postea liber sit ab obligatione: atqui per talem actum non liberatur ab obligatione satisfaciendi, ut probant, & patebit ex dicendis, ergo.

Alii è contra cum Fagund. *de præcept. Eccl. præcept. 3. l. 1. c. 6.* Nunnez *q. 80. a. 11.* absolutè Nigronium obligant ad præveniendum; quia aliàs differretur Communio ultra annum.

Alii cum Palao *tr. 21. pun. 15.* Laym. *l. 5. tr. 4. c. 5.* Lugo *de Euchar. D. 16. n. 66.* Munies. *D. 31.* Gobat *tr. 3. n. 39.* distinguunt, & siquidem intra eum annum jam semel communicasti, censent, non

dari obligationem præveniendi, & communicandi ante tempus Paschale, nisi fortè aliàs Communio ultra annum ab ultima Communionem facta differenda esset; quia eatenus obligari poteris anticipare Communionem, quatenus obligaris, ne ultra annum Communionem differas: atqui esto omiseris eo tempore Communionem, non tamen hæc differtur ultra annum, ut ponitur, ideoque non teneris anticipare; secus verò si non communicaveras toto anno, nec amplius tempus suppetat communicandi intra eum annum, quorum opinio & nobis probabilior, ac verior videtur; Posito tamen, quod intra annum non communicaveris, melius, ac clarius hæc doctrina distingui potest cum citt. Lugo, hunc in modum: vel impedimentum, quod prævides futurum, duraturum est toto anno post tempus Paschale, vel non? Si prius contingat, teneris tunc prævenire, perinde ac ille, qui manens in loco novit, se die festo non posse ultimo sacro interesse, obligatur unum ex sacris præcedentibus audire, ut præcepto satisfaciatur; & ratio est; quia in eo præcepto de annua Communionem peragenda duo virtualiter continentur; primum scilicet, ac præcipuum, ut singulis annis Communio peragatur, secundum, ut fiat *ad minus* seu saltem in Paschate, ut loquitur Trident. l. c. atqui præveniendò, & Communionem anticipando, adim-

adimplere potes primum, ac præcipuum illud præceptum singulis annis communicandi: igitur teneris prævenire, & præcepto, quod adimplere potes, satisfacere, etiam si alteri communicandi scilicet in Paschate, satisfacere nequeas, uti ponitur. Si verò impedimentum, quod prævides futurum, non est toto anno duraturum, non obligaris prævenire, hoc ipso, quod postea præcepto adhuc satisfacere possis: Unde

Ad fundamentum Suareti R. dist. per ejusmodi communionem anticipatam non satisfacit homo obligationi annuæ Communionis, seu singulis annis communicandi, non satisfacit obligationi Communionis Paschalis, seu communicandi in Paschate, C. non enim obligatur ad anticipandum propter hoc secundum præceptum communicandi in Paschate, sed propter primum, ac præcipuum communicandi singulis annis, posito, quod impedimentum sit toto anno duraturum, ut alibi à nobis dictum est in libello de Confessione, & Communionem.

270 Ad 2. Q. an ille, qui prævenit ob interveniens impedimentum, sublato postea impedimento, & oblata opportuna occasione communicandi, teneatur rursus Communionem iterare, ut præcepto satisfaciatur? Diana p. 3. tr. 4. R. 42. cum Fernand. tr. de

Euchar. p. 8. d. 1. n. 10. Gobat tr. 4. Cas. 3. n. 40. & aliis negativè respondet. Ratio est; quia juxta cap. omnis utriusque sexus citt. licitum est ex consilio proprii Sacerdotis differre Communionem, ut patet ex his verbis: Omnia sua peccata semel in anno confiteatur proprio Sacerdoti, suscipiens reverenter ad minus in Pascha Eucharistiæ Sacramentum, nisi fortè de proprii Sacerdotis consilio ob aliquam rationabilem causam ad tempus duxerit abstinendum: ergo licitum quoque erit ex consilio viri docti eandem anticipare, ac prævenire, ita quidem ut pari modo omnis penitus obligatio extinguatur. Accedit, quod ut ait Gobat n. 40. talis præveniendū fecerit totum id, quod verisimiliter ab illo postulasset Legislator, si fuisset interrogatus.

Nihilominus contrariū, tanquam probabilius, tenendum est cum Suarez l. c. Palao l. c. Lug. citt. D. 16. n. 70. Burghab. Nunn. & aliis, volentibus, eum, qui ob aliquod impedimentum prævenit, sublato postea præter intentionem impedimento, teneri rursus in Paschate Communicare. Ratio colligitur ex dictis; quia per anticipatam illam Communionem satisfactum quidem est præcepto annuæ Communionis; non tamen satisfactum est alteri præcepto communicandi tempore Paschali, quod nunc impleri potest; adeoque